

Openbare inligting en die NA-lid

Om NA se boodskap oor te dra, was 'n belangrike deel van baie van ons lede se herstel en het sommige van ons gehelp om ons vaardighede te ontdek en te ontwikkel. Die NA-boodskap van herstel kan met jou ondersteuning baie mense bereik. Om deel te wees van die OI-komitee gee jou 'n kans om 'n positiewe verskil in die lewens van ander te maak.

Wat is openbare inligting?

Die rol van die OI-komitee is om te verseker dat duidelike en akkurate inligting omtrent NA vir die publiek beskikbaar is. Die aanvraag vir inligting omtrent ons genootskap is groter as ooit. Om deel te wees van 'n komitee wat lydende verslaafdes by ons genootskap uitbring, is 'n beloning wat nie in woorde uitgedruk kan word nie, maar slegs ervaar kan word.

Wat is die NA-lid se verantwoordelikheid?

Ons moet verantwoordelikheid vir ons gedrag wanneer ons in die openbaar is, aanvaar wanneer ons ons as NA-lede identifiseer. Dit is 'n vorm van openbare inligting. Elkeen van ons kan gesien word as 'n verteenwoordiger van NA deur dié wat nie bekend is met ons program nie. Hoe ons ons fasiliteite onderhou wat ons vir vergaderings gebruik, beïnvloed ook hoe die publiek NA in die geheel beskou.

Nog 'n vorm van openbare-inligtingdiens word gelewer wanneer daar inligting of 'n aanbieding omtrent Narkotika Anoniem aangevra word. Wanneer daar 'n versoek gerig word, behoort 'n OI-komiteelid kontak te word. As 'n komiteelid nie beskikbaar is nie, moet die versoek oorgedra word aan

'n groepdiensvertegenwoordiger (GDV) of gebiedsvorsitter. Ons hanteer versoeke op hierdie manier omdat elke versoek onmiddellike en gepaste aandag nodig. Wanneer jy genader word met 'n versoek, moet jy onthou dat dit nie 'n persoonlike versoek is nie maar 'n versoek vir Narkotika Anoniem in sy geheel is.

Wat is die belangrikheid van anonimiteit?

Dit is 'n “ons”-program en in openbare inligting is die begrip “Ek kan nie, maar ons kan” van kardinale belang. Ons geestelike basis van anonimiteit kan ernstige skade berokken word deur lede wat onafhanklik optree.

Ons verskaf slegs ons voornaam, en nie ons van nie, en ons verskyn nie in die media as lede van Narkotika Anoniem nie. As deel van ons geestelike program van herstel vermy ons selfbevordering ten gunste van 'n meer nederige soort diens. In ons ervaring loop lede wat “mediasterre” word binne die verband van hulle lidmaatskap in NA, die gevaar om die geestelike basis van hulle herstel in gevaar te stel, sowel as om die publiek 'n onakkurate perspektief van herstel binne NA te gee.

Hoe raak lede betrokke?

Elke lid het 'n plek binne die openbare-inligtingskomitee. OI waardeer en nodig jou insette, voorstelle, terugvoering en deelname. Ons nooi jou openlik uit om na 'n OI-komiteevergadering te kom. Soos die meeste dienskomitees het OI altyd gewillige hande en denke nodig.

Hoe word die werk gedoen?

Groepe kom dikwels bymekaar om 'n gebiedsdienstkomitee (GDK) te stig. Openbare-inligtingsdienste word voorsien deur 'n subkomitee van die GDK. Die OI-komitee ontvang versoeke van baie verskillende bronne, soos van individue, agentskappe en die media.

Van die maniere hoe ons inligting aan die publiek voorsien, sluit in:

1. Om gehoor te gee aan versoeke vir sprekers deur kerke, burgerlike organisasies, skole of die media.
2. Die ontwikkeling en verspreiding van plakkate, strooibiljette en ander openbaardiensaankondigings om die publiek in te lig oor hoe om ons te bereik.
3. Opleidingsdae en werkswinkels.
4. Die pos van vergaderingslyste, inligtingsbriewe en pamflette aan mense wat in aanraking mag kom met verslaafdes.
5. Werk saam met 'n hospitaal- en inrigtingskomitee aan oorvleuelende projekte.
6. Waar telefoon- of kantoordienste nie beskikbaar is nie, mag 'n OI-komitee daarvoor verantwoordelik wees om 'n telefoonlyn te beman.

Praat met 'n GDV of iemand van jou plaaslike OI-komitee om betrokke te raak by enige van hierdie aktiwiteite. Ons kan nie hou wat ons het tensy ons dit weggee nie. Om diens te doen op die openbare-inligtingskomitee laat ons toe om juis dit te doen.



Narcotics Anonymous®
Narkotika Anoniem

IP Nr. 15-AF

OI en die NA-lid

Copyright © 2021 by
Narcotics Anonymous World Services, Inc.
Alle regte voorbehou

World Service Office
PO Box 9999
Van Nuys, CA 91409 USA
T 818.773.9999
F 818.700.0700
Website: www.na.org

World Service Office—CANADA
Mississauga, Ontario

World Service Office—EUROPE
Brussels, Belgium
T +32/2/646 6012

World Service Office—IRAN
Tehran, Iran
www.na-iran.org



Dit is 'n vertaling van literatuur wat deur die
NA-Genootskap goedgekeur is.

Narcotics Anonymous, , , , en The NA Way
is geregistreerde handelsmerke van
Narcotics Anonymous World Services, Incorporated.

ISBN 9781633803534 Afrikaans 5/21

WSO Catalog Item No. AF3115